

ՀԱՅԵՐԸ ԵՒ ՆՈՐ ՊԱՏԵՐԱԶՄԸ*

«Տաճկաստանի դէմ սկսուող պատերազմում մեծ դեր պէտք է խաղան հայերը:

Դա լինելու է թերևս ամենածանր փորձութիւնը, որ ճակատագիրն ուղարկում է բազմաչարչար փոքրիկ ժողովրդին, որ համարեա երեք հազարամեակ պահել է կուլտուրայի ջահը Առաջաւոր Ասիայում: Բայց դա վերջին փորձանքը կըլինի:

Ռուսաստանի պատերազմը Տաճկաստանի դէմ,—հայերի համար—ազատութեան արշալոյս է, նոր, ազատ կեանքի նախագուռը, դա խաղաղ գոյութեան հեռանկարն է, առանց քրդական թալանների, առանց տաճիկ զինուորների բռնութիւնների, առանց տաճիկ աստիճանաւորների շորթութիւնների: Ռուսաստանի պատերազմը Տաճկաստանի դէմ հայերի համար — սուրբ պատերազմ է: Երբ որ 1877 թ. Հայաստանի դաշտերում, Արարատի ստորոտին, կռիւներ էին տեղի ունենում ռուսների և տաճիկների միջև, երբ որ Լոռի—Մելիքովը ջարդում էր Մուխթարին, հայերի սրտերը նոյնպէս էին մղում դէպի ռուս զօրքերը, հայ կանայք էլ էին մեղմ աղօթքներ առաքում ռուսների համար: Սաղայն այն ժամանակն ուրիշ էր:

Հայերը հնարաւորութիւն չունէին ներգործօն աջակցութիւն ցոյց տալու ռուսներին:

Տաճկաստանը դեռևս զօրեղ էր, իսկ հայերը—ճնշուած: Վերջին ռուս-տաճիկական պատերազմից յետոյ անցած գրեթէ քառասուն տարուայ ընթացքում շատ բան է փոխուել:

Հայերը քաղաքականապէս հասունացած և փորձառութիւն ձեռք բերին լեռնային պատերազմում: 1908 թուի յեղափոխութիւնը իրաւունքներ խոստացաւ նրանց, և երիտասարդ Թիւրքերի կառավարութեան առաջին փուլը հիմք

*) Русск. Вѣд. 243 համար:

էր տալիս հայերին լաւ օրեր սպասելու: Բայց Ադանայի ջարդը, երէկուայ բարեկամների՝ Երիտասարդ Թիւրքերի բացարձակ մասնակցութեամբ, քաղաքական դրութիւնը դարձրեց գէպի Համիդեան ժամանակները: Այնուհետեւ հայ կուսակցութիւնների պարագլուխները — թէ ազատամիտներն էլ և թէ Դաշնակցականներն — մասնակցում էին տաճկական պարլամենտին, բայց դա միակ տարբերութիւնն էր: Հայերը կորցրին իրանց յոյսը Երիտասարդ Թիւրքերից և կրկին գիմեցին Եւրոպայի օգնութեան: Եւրոպան անցեալ տարի նրանց 2 զեներալ-ինսպեկտոր և բարեփոխութիւններ տուեց, և Ռուսաստանը այդ գործում պետութիւններին առաջից էր գնում: Գնեւրալ-ինսպեկտորները նոր էին գալիս Պօլիս, բայց տաճիկները, օգտուելով բռնկուած պատերազմից, նրանց իրենց տներն ուղարկեցին: Այս ամենը համոզմունք ստեղծեց հայերի մէջ, որ առանց զէնքի օգնութեան նրանք չեն հասնելու լաւ ապագայի: Հայերի այս դիրքը անսպասելի բան չի լինելու տաճիկներին և նրանց գերմանական խնամակալների համար: Այն վայրկեանից, երբ գերմանացիք կաշառքով և փաղաքշանքով իրանց կողմը գրաւեցին Էնիէր փաշային և սկսեցին առաջ տանել Ռուսաստանի հետ կապերը խզելու գործը, շարունակ չեն դադարել Երիտասարդ Թիւրքերի բանակցութիւնները Դաշնակցականների հետ, տաճկահայերի մէջ միակ ներգործօն կուսակցութեան:

Բանակցութիւնները վարւում է արևելեան զանդաղ կոտութեամբ և ոչ ոքի չէին խաբում: Մօտ մի շաբաթ առաջ հեռագիրը մի քանի լուր բերեց, որոնցից պարզ էր, թէ տաճիկները որոշել են պատերազմել և որ նրանք դադարել են հայերին հաշուի առնելուց:

Այդ լուրերը հազորդում են, որ հայերի մէջ դաւադրութիւն է բացուած Էնիէրի դէմ, որ Պօլսում և Հայաստանում ձերբակալուած են «Դաշնակցութիւն» կուսակցութեան ականաւոր գործիչները: Բայց տաճիկները, — կամ գուցէ նրանց տեղը գերմանացիք, — ըմբռնում են Հայաստանում մղուելիք պատերազմի վտանգը: Հայերի շնորհիւ

ռուսները թշնամու երկրում կրղզան իրանց ինչպէս հայ-
րենիքում: Ընդհակառակը,— տաճիկները, սեփական հողի
վրայ կռուելով, կըլինեն որպէս թշնամու բանակում: Այդ
ահազին զոհեր կըսահանջէ Հայաստանից, այնպիսի զոհեր,
որոնց նմանը նա երբէք չի մատուցել, որովհետեւ տաճիկ-
ները, այն էլ գերմանացիների առաջնորդութեամբ, այս
անգամ անողոր կըլինեն և լոյս աշխարհ կըհանեն Աբդիւլ
Համիդի բոլոր ամենագաժան կործանարար գեղատոմսերը:
Եւ Հայաստանը գուցէ աւելի գառը վիճակ տալրի, քան
Լեհաստանը, քան Բելգիան:

Բայց հայերը պատրաստ են բոլոր զոհաբերութիւննե-
րին: Նրանց սպասող ապագան— քաղաքական ազատ գո-
յութիւնը Ռուսաստանի հզօր հովանաւորութեան ներքոյ—
արժէ ամեն զոհողութիւններ:

Այժմ տաճիկական և ռուսական հայերին, որ կանգաժ
են ողբերգական ճամբաբաժնի առջև և պատրաստ են ռու-
սական գօրքի հետ բաժանել նրա արիւնոտ աշխատանքը—
հայերին միայն մի բան է պէտք,— որ նրանց ուղեկցի,
ռուս ժողովրդի եղբայրական աջակցութիւնը, որպէսզի
նրանք իմանան, որ Ռուսաստանի իւրայինները և օտար-
ների համար արիւն քամւող սրտում Հայաստանի համար
էլ կայ համակրութիւն, որպէսզի Ռուսաստանում չմոռա-
նան փոքրիկ երկիրը, որ ամենից վատթար դրութեան մէջ
է, որովհետեւ նա իր ամենախիստ թշնամիների ձեռքումն
է: Եւ միայն մի ուրախութիւն է լցնում հայկական սրտերը
այս ծանր օրերին՝ որ պատերազմը եղբայրական ամուր
շղթաներ է կռելու Ռուսաստանի և Հայաստանի միջև:

Ա. Ճիվելեգեան.

